

Statuti

Statuti i Shoqatës Evropiane të Qendrave nga Teoria në Praktikë / European Association of Theory to Practice Centers

Ky statut do të qeverisë shoqatën jofitimprurëse *Shoqata Evropiane e Qendrave nga Teoria në Praktikë / European Association of Theory to Practice Center*, të themeluar në pajtim me Ligjin Nr.06/L-043 për Lirinë e Asociimit në Organizatat Joqeveritare në Republikën e Kosovës.

Neni 1

Emri, forma dhe adresa

1. Organizata do të quhet *Shoqata Evropiane e Qendrave nga Teoria në Praktikë / European Association of Theory to Practice Centers*

2. Ajo mund të njihet edhe si *T2P Europe*

3. Organizata është shoqatë jofitimprurëse, sipas definimit të dhënë në nenin 16 dhe 20 të Ligjit Nr.06/L-043 për Lirinë e Asociimit në Organizatat Joqeveritare në Republikën e Kosovës.

4. Organizata nuk do të bëjë shpërndarjen e çfarëdo të ardhure neto ose fitimi si të tillë për asnjë person. Pasuria, të ardhurat dhe fitimet e organizatës do të përdoren për të mbështetur qëllimet jofitimprurëse të organizatës dhe nuk do të përdoren për të krijuar përfitime të veçanta individuale, qoftë në mënyrë të drejtpërdrejtë apo tërthorazi për asnjërin nga themeluesit, drejtorin, nëpunësit, ndonjë anëtar të shoqatës, ndonjë të punësuar apo donator të OJQ-së. Megjithatë pagesa e kompensimit të arsyeshëm për këta persona mund të bëhet për punën që këta persona bëjnë për këtë organizatë.

5. Çdo transaksion ndërmjet OJQ-së dhe një organizate tjetër të ndërlidhur, apo ndërmjet OJQ-së dhe anëtarëve, zyrtarëve, anëtarëve të bordit ose punonjësve të saj ndalohet, përveç, nëse organi drejtues vendos, pas hetimeve të arsyeshme, se transaksioni është në interes, i drejtë dhe i arsyeshëm për OJQ-në, dhe se OJQ-ja nuk kishte mundur të sigurojë marrëveshje më të favorshme me përpjekje të arsyeshme dhe brenda rrethanave ekzistuese.

6. Organizata mund të angazhohet në aktivitete ekonomike me qëllim të mbështetjes së aktiviteteve të saja jofitimprurëse, në pajtim me paragrafin 1.4 të këtij Statuti dhe nenin 35 të Ligjit për Lirim të Asociimit në OJQ Nr.06/L-043 , me kusht që të ardhurat e realizuara nëpërmjet të aktiviteteve ekonomike të shfrytëzohen ekskluzivisht për të arritur qëllimet e theksuara në këtë statut.

7. Organizata e ka zyrën e saj qendrore në **Rr. Bislim Bajgora pn Mitrovicë 40000, Kosovë.**

Neni 2

Themeluesit

1. Themelues të organizatës janë:

1. *Agron Hajdari – Përfaqësues i International Business College Mitrovica (IBCM), Adresa: Str. Bislam Bajgora nn Mitrovica 40000/Mitrovicë.*
2. *Besnik Loxha – Përfaqësues i Universitetit Hasan Prishtina, Adresa: Rr. "George Bush", Nr.31, 10000 Prishtinë, Republika e Kosovës.*
3. *Bekim Berisha – Përfaqësues i Universitetit Ukshin Hoti, Prizren, Adresa: Rruga e Shkronjave 1, 20000 Prizren, Kosovë.*
4. *Florit Hoxha – Përfaqësues i Universitetit i Shkencave të Aplikuara, Ferizaj, Adresa: Rr. "Universiteti", Ferizaj, Kosovë.*
5. *Besfort Ahmeti – Përfaqësues i Universitetit Haxhi Zeka, Adresa: Rruga "UÇK"-së, 30000 Pejë, Kosovë.*

2. Kuvendi i Anëtarëve vendos për përfaqësuesin e autorizuar të OJQ-së, i/e cili/a përfaqëson organizatën dhe pranon të gjitha shkresat zyrtare në emër të organizatës. Ai ose ajo është përgjegjës për informimin e autoriteteve kompetente për çfarëdo ndryshimi në të dhënat e deklaruara në rastin e regjistrimit të organizatës.

Neni 3

Qëllimi

1. Organizata është themeluar me qëllim të:

Për të promovuar krijimin e qendrave T2P për institucione të arsimit të lartë dhe arsimit dhe aftësimin profesional, inkurajimin e bashkëpunimit dhe rrjetëzimin midis anëtarëve të tij, krijimin e mundësive që institucionet anëtare të T2P Europe të ndër marrin veprime të përbashkëta për projekte dhe nisma për të përmirësuar arsimin, luftuar papunësinë dhe për të promovuar mësimin gjatë gjithë jetës si dhe të përfaqësojë interesat e përbashkëta të anëtarëve të tij përpara autoriteteve kombëtare dhe ndërkombëtare.

2. Fushëveprimtaria e Organizatës:

- *Edukim/Trajnim*
- *Shërbime*
- *Zhvillim Organizativ*
- *Hulumtime dhe Analiza*

Neni 4 Anëtarësimi

1. Anëtarësimi në organizatë është i hapur për çdo Institucion të Arsimit të Lartë, Shkollë të Arsimit dhe Aftësimi Profesional, Qendër të Arsimit dhe Aftësimi Profesional si dhe entitet tjetër publik apo privat që ofron arsim të lartë apo arsim dhe aftësim profesional në Kosovë dhe Evropë. Për t'u anëtarësuar në organizatë, secili i interesuar duhet të pranojë Statutin dhe Misionin e organizatës dhe të angazhohet për përmbushjen e qëllimeve të organizatës. Aplikantët duhet të aprovohen nga Kuvendi i Anëtarëve. Vendimet e Kuvendit për këtë temë janë përfundimtare.

2. Kuvendi i anëtarëve do të vendos nëse do të kërkohet pagesa e anëtarësimit nga anëtarët. Në rast të vendosjes së pagesës së anëtarësimit, Kuvendi i anëtarëve do të vendosë për rregullat dhe procedurat e pagesës së anëtarësimit, përfshirë marrjen e masave të ndryshme, deri në përjashtimin e anëtarit nga organizata në rast të mospagesës së anëtarësisë.

3. Anëtarësimi i ndonjë anëtari gjithashtu mund të përfundojë ose suspendohet me vendimin e Kuvendi të anëtarëve në rast të:

- *Dorëheqjes, çdo anëtar i shoqatës ka të drejtë të japë dorëheqje; për këtë qëllim, pala e interesuar duhet të njoftojë për vendimin e tij, duke lajmëruar së paku një muaj më herët me anë të një shkrese zyrtare.*
- *Përmes përjashtimit të shqiptuar nga Kuvendi i anëtarëve për mospagimin e tarifës së anëtarësimit, shkeljen serioze të statutit të shoqatës. Pala e interesuar do të ftohet paraprakisht të paraqitet para Kuvendit të anëtarëve për të dhënë një shpjegim.*
- *Përmes humbjes së një prej kushteve të pranimit.*

Në rast të suspendimit, kohëzgjatja e suspendimit do të përcaktohet.

4. Përfundimi ose suspendimi i anëtarësimit nga Kuvendi i Anëtarëve do të vendoset me shumicë të anëtarëve prezent.

Neni 5 Kuvendi i Anëtarëve

1. Kuvendi i Anëtarëve është organi më i lartë qeverisës i organizatës. Ai përbëhet prej përfaqësuesëve të deleguar nga personat juridikë/organizatat, anëtarë të shoqatës.

2. Kuvendi i Anëtarëve ka përgjegjësinë më të lartë për politikën e organizatës. Në këtë kuadër, Kuvendi i Anëtarëve ka kompetencë të zgjedhë dhe të shkarkojë zyrtarët në pozita udhëheqëse të OJQ-së, të aprovojë raportet periodike financiare dhe të punës, të interpretojë dhe ndryshojë Statutin, si dhe të vendosë për bashkimin, ndarjen apo shuarjen e OJQ-së. Këto përgjegjësi nuk mund të delegohen në organet tjera më të ulta.

3. Përpos përgjegjësave të rezervuara që ka, Kuvendi i Shoqatës gjithashtu ka edhe këto përgjegjësi:

- *Zgjedh Këshillin Ekzekutiv dhe Përfaqësuesin e Autorizuar.*

- *Të shkarkoj këshillin ekzekutiv dhe përfaqësuesin e autorizuar;*
- *Zgjedh anëtarët e Komisionit për Ankesa dhe parashtrës;*
- *Miraton planin vjetor të punës, raportin vjetor të aktiviteteve të Shoqatës dhe llogaritë vjetore;*
- *Miratimin e buxhetit;*
- *Emëroni auditorin e jashtëm me rekomandim të Këshillit Ekzekutiv;*
- *Vendosni për ndryshimet në Statut, sipas parashikimeve të nenit 10;*
- *Miraton Rregullore dhe procedura;*

4. Kuvendi i Anëtarëve mund të delegojë ndonjë prej përgjegjësive të tij në organin tjetër udhëheqës të ndërmjetm Këshilli Ekzekutiv, me vendimin e shumicës së anëtarëve të tij, me përjashtim të përgjegjësive të cilat nuk delegohen sipas nenit 31 të Ligjit Nr.06/L-043 për Lirinë e Asociimit në Organizatat Joqeveritare në Republikën e Kosovës dhe paragrafit 2 të Neni 5 të këtij Statuti.

Neni 6

Mbledhjet e Kuvendit të Anëtarëve

1. Kuvendi i Anëtarëve do të takohet së paku një herë në vit në Mbledhjen e Përgjithshme Vjetore (MPV) ku shqyrtohet dhe miratohet raporti për mjetet, detyrimet, të ardhurat, shpenzimet dhe programet e organizatës për vitin e kaluar, si dhe plani për mjetet, e detyrimet e parapara, të ardhurat, shpenzimet dhe programet e organizatës për vitin e ardhshëm.
2. Kuvendi i Anëtarëve mund të takohet gjithashtu edhe në Mbledhjen e Përgjithshme të Jashtëzakonshme (MPJ) kurdoherë që kërkohet nga gjysma e anëtarëve ose nga Presidenti i Shoqatës. Një kërkesë e tillë duhet t'i drejtohet Kryesuesit të Kuvendit të Anëtarëve i cili do të lajmërojë për takimin të gjithë anëtarët, në pajtim me procedurat e përcaktuara në paragrafin vijues.
3. Lajmërimi me shkrim për MPV dhe/ose MPJ, duke përfshirë datën dhe vendin e mbajtjes së mbledhjes, së bashku me rendin e ditës për mbledhjen do t'u shpërndahe të gjithë anëtarëve së paku katërmëdhjetë (14) ditë para ditës së mbajtjes së mbledhjes.
4. Për mbajtjen e mbledhjes është e nevojshme pjesëmarrja e më shumë se gjysmës së anëtarëve. Nëse ky kuorum nuk arrihet në tentimin e parë, takimi do të shtyhet për një ditë të përcaktuar më vonë dhe lajmërimi i ri do t'u dërgohet të gjithë anëtarëve.
5. Secili anëtar i organizatës ka një votë në Kuvendin e Anëtarëve.
6. Vendimet në Kuvendin e Anëtarëve do të merren me shumicën e anëtarëve prezent.
7. Asnjë anëtar i Kuvendit të Anëtarëve nuk i lejohet të marrë pjesë në diskutim apo në marrjen e vendimit për çështje ku ai ka interes direkt apo indirekt ekonomik. Anëtar i Kuvendit të Anëtarëve konsiderohet se ka interes ekonomik nëse ai/ajo, ose cilido anëtar i familjes së tij ka interes direkt apo indirekt ekonomik.

Neni 7 Organi udhëheqës i ndërmjetëm (Këshilli Ekzekutiv)

1. Bazuar në përgjegjësitë e dhëna me këtë statut, organi udhëheqës i ndërmjetëm **Këshilli Ekzekutiv** duhet të veprojë çdo herë në pajtim me qëllimin e organizatës.
2. Këshilli do të ketë këto përgjegjësi:
 - *Të propozojë përfaqësuesin e autorizuar të organizatës, të kontrollojë zbatimin e qëllimit dhe aktiviteteve të përcaktuara me statut, të mbikëqyrë punën e zyrtarëve dhe punonjësve të shoqatës,*
 - *I propozon kuvendit tarifat e anëtarësimit;*
 - *Propozon të tërheq anëtarësimin për ndonjë anëtar,*
 - *Propozon hartimin e rezolutave që duhet t'i paraqiten Kuvendit;*
 - *Vendosja e tarifave të anëtarësimit sipas kategorisë së ndryshme të anëtarëve, me aprovim të kuvendit të anëtarëve;*
 - *Emërimi i komisioneve, komiteteve ose grupeve të punës për të trajtuar çështje të rëndësishme për punën e Shoqatës, me aprovim të kuvendit të anëtarëve;*
 - *Emërimi i koordinatorëve lokalë, rajonalë apo ndër-rajonale për të realizuar në praktikë decentralizimin e Shoqatës, me aprovim të kuvendit të anëtarëve.*
3. Këshilli zgjidhët nga Kuvendi i Shoqatës. Ata do të zgjedhën individualisht me shumicë të votave nga anëtarët e pranishëm. Mënyra e zgjedhjes dhe rregullat e punës së anëtarëve të Këshillit mund të rregullohen me një Rregullore të veçantë për punën e Këshillit, e cila aprovohet nga Kuvendi i Anëtarëve me shumicë votash.
4. Këshilli do të ketë të paktën 5 (pesë) anëtarë, njëri nga të cilët duhet të zgjidhët si Kryesues i Këshillit.
5. Anëtarët e Këshillit mund të zgjedhën për mandate të njëpasnjëshme.
6. Anëtarët e Këshillit mund të shkarkohen para përfundimit të mandatit me shumicë votash të Kuvendit të Shoqatës.
7. Mandati i anëtarit të Këshillit pushon:
 - Në rast të vdekjes,
 - dorëheqjes ose
 - shkarkimit nga Kuvendi i Anëtarëve.
8. Në rast të përfundimit të parakohshëm të mandatit të anëtarit të Këshillit, Kuvendi i Shoqatës duhet të zgjedh pasardhësin për të shërbyer me mandat të ri.
9. Vendimet në Këshill merren me shumicë votash të anëtarëve prezentë.
10. Këshilli mund të vendosë t'i drejtohet për çfarëdo çështje Kuvendit të Anëtarëve për marrje të vendimit.

11. Kurrfarë pagese ose kompenzimi nuk duhet t'u bëhet anëtarëve të Bordit pa aprovimin e Kuvendit të Anëtarëve dhe vetëm kur pagesa ose kompenzimi është i arsyeshëm dhe bëhet për punën e kryer për organizatë.

12. Asnjë anëtar i Bordit nuk i lejohet të marrë pjesë në diskutim apo në marrjen e vendimit për çështje ku ai ka interes direkt apo indirekt ekonomik. Anëtar i Bordit konsiderohet se ka interes ekonomik nëse ai/ajo, ose cilido anëtar i familjes së tij ka interes direkt apo indirekt ekonomik.

Neni 8 Zyrtarët dhe Nëpunësit

1. Shoqata përfaqësohet nga **Përfaqësuesi i Autorizuar**, i cili emërohet nga Kuvendi i Anëtarëve për 4 vjet me mundësi rizgjedhje.

Përfaqësuesi i Autorizuar ka të drejtat e mëposhtme:

- Administrimin dhe menaxhimin ekzekutiv të veprimtarive të përditshme të shoqatës dhe për Zyrën e Këshillit të Shoqatës.
- Nënshkrimi i akteve administrative të Shoqatës;
- Hapja dhe Mbyllja e llogarive rrjedhëse bankare dhe postare, si dhe mbledhja e faturave;
- Nënshkrimi, në rrethana emergjente, të gjitha aktet e nevojshme që duhet të ratifikohen më pas nga një organ kompetent i shoqatës;
- Përfaqësuesi i autorizuar i raporton Kuvendit të Anëtarëve

2. Zyrtarët duhet të punësohen në përputhje me Ligjin e Punës në Republikën e Kosovës, të gjitha të ardhurat dhe të mirat e tjera që duhet t'i paguhen Zyrtarit, si dhe obligimet dhe përkrahimin e punës dhe përgjegjësi të Zyrtarit. Të gjitha pagesat duhet të jenë të arsyeshme dhe duhet të paguhen vetëm për punën e kryer për organizatë.

Neni 9 Shpërbërja e organizatës

1. Organizata mund të shpërbëhet me vendimin e shumicës së anëtarëve të Kuvendit të Anëtarëve.

2. Kur të vendos për shpërbërjen e organizatës, Kuvendi i Anëtarëve do të tregojë emrin e Organizatës joqeveritare në Republikën e Kosovës që do të marrë pasurinë e mbetur pasi të jenë paguar borxhet e organizatës. Organizata joqeveritare e zgjedhur duhet të ketë qëllim të njëjtë ose të ngjashme sikurse organizata.

Neni 10 Ndryshimet e statutit

1. Statuti i tanishëm mund të ndryshohet me vendimin e dy të tretave e anëtarëve prezentë të Kuvendit të Anëtarëve.

Neni 11
Periudhat e Raportimit dhe Viti Financiar

1. Këshilli dhe Zyrtarët e emëruar do të paraqesin raporte vjetore para Kuvendit të Anëtarëve, MPV ose kurdoherë që kërkohet nga një MPJ.
2. Viti financiar i organizatës do të përputhet me vitin kalendarik.

Ky statut është aprovuar në *Rr. Bislim Bajgora, p.n Mitrovicë, Republika e Kosovës*

Më **24.06.2020**

Nga anëtarët e Kuvendit



Agron Hajdari
Përfaqësuesi i Autorizuar